



Ассаламу алейкум, дубурилант!

ШИЛА ГІЯМРУ

СЕЛЬСКАЯ ЖИЗНЬ



Дахадаевла районна жамигІятла - политикала газета

№ 4 –5 (8442-8443) 2021-ибил дус.

Январьла 22. ЖумягІ.

Багъа 12 къуруш 32 кепек

Дахадаевла районна бекІла мубарак

ХІурматла дагъистанланти!

Дагъистан Республика акІахъубси бархІиличирадли 100 дус дикниличил мубаракдиурля!



ДАССР акІахъубхІейчирадли 100 дус дикни – ил нушала республикалис ва илаб хІербирути дахъал миллатунала халкълис мягІничерти аңцІбукъуни кадикибси манзил саби.

Ил байрамли нуша, миллатличи, дусмачи, динничи, политикаличи хІерхІеили, лерилра цадирахъулра. Лебилра, чунира лебтасалра дигахъуси Дагъистан гъалабяхІ букъяхъес багъандан камси биалра пай кабихъибти.

Нушани умутличил бурес дирехІе, нушала регионна дахъал имкантира пергерси челябкълара лер.

Ил байрам – адамти цабулгахънила, дариудешла ва Дагъиста дахъал миллатуни уржахънила лишан саби. Илизиб саби нушала дигуси республика гъалабяхІ баинила, сархибдешуни дирахънила ва вавалибирхъяхънила хъулчира. Цала цали иргъули ва гІердурцули, нушани халаси къадрила проектуни гІямрулизир дурадуркІехІе ва ахъти чедибдешуни дирахъехІе.

Иш юбилейла дус нушала цахІнабси байрам бетатурли саби, сабира регионнизибицунра ахІи, илала дурабра дурабуркІуси.

Нушала Дахадаевла район лебилра Дагъистайчил цабалги хІербирули ва гъалабяхІ баиули саби. Республикаличил дархли нушани гІергъити дусмазир дахъал сархибдешуни диахъубра. Амма ишбархІи нушала гъала тІаидатурли сари гъатІира цІакъли мягІничерти масъули. Ну вирхулри илди чедибдешиличил хъараахъес дирниличи.

Нушала къалли бекІлицибсигъуна давла леб – Дахадаевла ванзаличиб хІербирути пергерти адамти, сабира нушала район гъатІира жасасили, дигесили ва яшавлашал гъалабяхІ арбяхъунсили биахъес къайгъилизибти.

Къабулдарая урки-уркІиларалти баркаллала дугъби хІушала хІялалси бузерилис, патриотизмалис, дурхъаси крайличи дигилис хасдарибти. ГІурра нушала район вавалибяхъяб, гъарил дахадаевланна гІямру шадтили, жягІяйчи дирхалачертили ва умутчертили диаб. ХІушаб чІумаси арадеш, талихІ ва гъарбизуни диаб! ХІушала баркъудлуми ва бехІбихъудуни ахІерси Дагъистан баракатчебсили ва вавалибяхъибсили биахъес багъандан багаладиаб!

«Дахадаевла район» МО-ла администрацияла бекІ
Ж. Р. ГІямаров.

Шадлихъла балбуц дураберкІиб

ДАССР 100 дус бирниличил бархбасахъи, ишди бурхІназиб МяхІячкъалализибси М.Горькийла уличилси Урусла драматический театрлизиб шадлихъла балбуц дураберкІиб.

Илар бутІакъяндешдариб Дагъиста бекІла заманалис къуллукъуни дузахъан Сергей Меликовли.

ХІурматла гІяхІли урgab лебри РФ-ла Президентла Администрацияла Руководитель МяхІяммадсалам МяхІяммадов, республикализибадти РФ-ла Пачалихъла Думала депутатуни, ДР-ла Халкъла Собраниела Председатель Хизри ШихсягІидов ва цархІилти хІукуматла органтала вакилти.

Дагъистанланти бегІ гъалаб мубаракбариб РФ-ла Президентла Администрацияла Руководитель МяхІяммадсалам МяхІяммадовли.

Илини буруливан, дахъал миллатунар улкализиб дебали мягІничебси аңцІбукъ саби Дагъистан 100 дус биънила байрам. «Илгъуна къадричебси балбуцличил бархбасахъи, Россияла Федерацияла Президент Владимир Путинни дагъистанлантала хІурматбирни ва

диги иргъахъули, саламти дархъиб», - буриб РФ-ла Президентла Администрацияла Руководительла заместительли ва улкала бекІла саламтала кагъар белчІун.

Лебилра дагъистанланти сунела дудешла - ДР-ла Госсветла ХІурматла Председатель МяхІяммадгІяли МяхІяммадович МяхІяммадовла шайзибадпира мубаракбариб МяхІяммадсалам МяхІяммадовли .

«Илкъяйдали республикала тарихла даршдуслихъ гІебирхъулра ва сагаси эра бехІбирхъули саби. Ил тарихла бяхІ чеалкІуси наслула вакилтани лукІа. Илданира дахъал сархибдешуни дирахъниличи вирхулра, сенахІенну нушала адамти пагъмучебти саби»-чебатур М.МяхІяммадовли .

Сергей Меликовли бекІдешдирес кайибхІейчирадпира республикализир гІяхІла шайчи дардешуни кадиркули сари или



буриб илини.

Дахъалри республика мубаракбирути цархІилти телеграммабира.

Дагъистан Республикала бекІла заманалис къуллукъуни дузахъан Сергей Меликовлира баркалла багъахъур РФ-ла Президент Владимир Путиннис регионнис къугъати гъай дурнилис.

ГІур цалабикибтачи дугъавилзули, Сергей Меликовли

мубаракла дугъби илдас ва Дагъиста лебилра жамигІятлис дуриб.

Балбуц концертличил даимбариб. Илар бутІакъяндеш дариб республикала ва улкала гІяхІтигъунти творческий коллективтани. Цалабикибтас хаслира гІяхІдизур Москвала пачалихъла академический делхъла «Гжель» театрла ва республикала «Лезгинка» ансамбльла гІяртистунала пагъмурти.

П. Къурбанова

ДАССР-лис – 100 дус

Ж. Р. ГІямаров:

«Даршал дусла духІнар дахъал тамашала аниЇбукъуни кадикиб. Илди ургар чучила гъанбикахъестира пахрубарестира лер»



евла районнизир деклар-декарти далдуцуни дурадуркѹли сари. Илкѹяйдали республика акІахъубхІейчирадли кадикибти аниЇбукъуни гъандикахъиб.

Районна багъудила учреждениебазир тематический дурсери, жузала выставкаби дурадуркѹиб. Илар республикала миллатла палтарличила, музыкаличила, фольклорличила, тарихличила, писательтачила материалти гъаладихъиб.

Культурала учреждениебазир «Даршал дусла тарихуни» ибти далдуцунира дурадуркѹли сари. Илдала дазурбазир республика даршал дус биънилис хасбарибси мультимедийная выставка дураберкѹиб. Илкѹяйдали культурала учреждение-

бани республика къашмачи тІашбилзухІели кадикибти тарихла бяхІяначила бурули саби.

Халаси пикри бяхІчаиб культурала объектуни ва памятникунки ункъдирахъниличи.

Районна туризмала ва жагъи-

лтала баркъуддумала шайчибси комитетли онлайн акцияби дурадуркѹиб. Илди дяхІчаибтири жагъилтази тарихла бяхІяначи диги имѹади-рахъниличи ва район гъалабяхІ букес багъандан халаси пай кабихъибти багъадурти гъанбиркахъниличи.

«Республика даршал дус биъни ишдуслизиб бекІлибибси. Даршал дусла духІнар дахъал тамашала аниЇбукъуни кадикиб. Илди ургар чучила гъанбикахъестира пахрубарестира лер», - буриб Жаруллагъ ГІямаровли.

БекІлибибси гъуна Дагъистан Республика гъалабяхІ башахънила мягІничебси бетуцлис хасдарили Дахада-

БекІлибибси гъуна Дагъистан Республика гъалабяхІ башахънила мягІничебси бетуцлис хасдарили Дахада-



